

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), člana 33. Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22 i 14/22), a u skladu sa Programom utroška sredstava planiranih u Budžetu Zeničko-dobojskog kantona za 2022. godinu na poziciji „Ostali transferi za zdravstvo - Tekući transfer zdravstvenim ustanovama za sprečavanje širenja bolesti izazvane korona virusom - COVID-19“ Ministarstva zdravstva, broj: 02-11-12907/22 od 25.08.2022. godine, na prijedlog Ministarstva zdravstva, Vlada Zeničko-dobojskog kantona, na 173. sjednici, održanoj dana 22.09.2022. godine, d o n o s i

## **ODLUKU**

### **o odobravanju sredstava JU Institut za zdravlje i sigurnost hrane Zenica za pokriće troškova koji su u funkciji sprečavanja širenja virusa COVID-19 i provođenja vakcinacije u 2022. godini**

#### **Član 1.**

##### **(Predmet)**

(1) Odobravaju se sredstva JU Institut za zdravlje i sigurnost hrane Zenica u iznosu od 50.000,00 KM (slovima: pedesethiljada konvertibilnih maraka) za pokriće troškova koji su u funkciji sprečavanja širenja virusa COVID-19 i provođenja vakcinacije u 2022. godini.

(2) Javna zdravstvena ustanove iz člana 1. ove odluke može iz odobrenih sredstava izvršiti pokriće troškova angažovanja uposlenih u iznosu do 50% ukupno odobrenog iznosa zdravstvenoj ustanovi.

#### **Član 2.**

##### **(Analitička konta)**

(1) Sredstva iz člana 1. ove odluke isplatit će iz Budžeta Zeničko dobojskog kantona za 2022. godinu („Službene novine Zeničko-dobojskog kantona“, broj: 1/22 i 14/22), sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100, „Ostali transferi za zdravstvo-Tekući transfer zdravstvenim ustanovama za sprečavanje širenja bolesti izazvane korona virusom COVID-19“.

(2) Sredstva će se transferisati na transakcijski račun JU Institut za zdravlje i sigurnost hrane Zenica broj 1418010001937146 na osnovu ove odluke.

#### **Član 3.**

##### **(Provođenje Odluke)**

Za provođenje ove odluke zadužuju se JU Institut za zdravlje i sigurnost hrane Zenica, Ministarstvo zdravstva i Ministarstvo finansija, svako u okviru svoje nadležnosti.

#### **Član 4.**

##### **(Izvještavanje)**

(1) Javna zdravstvena ustanove iz člana 1. ove odluke dužna je do 15.02.2023. godine izvjestiti Ministarstvo zdravstva o namjenskom utrošku sredstava, dostavljanjem Izvještaja o utrošku sredstava, koji treba da sadrži tekstualno obrazloženje, specificirane pojedinačne troškove po vrsti nabavke sa kopijama faktura za navedene nabavke i tabelarni prikaz troškova angažovanja uposlenih, specificiran na način da se tabelarno prikaže broj angažovanih po spremi, sa jednom kolonom ukupnih troškova angažovanih uposlenika na sprečavanju širenja virusa COVID-19 i provođenja vakcinacije i drugom kolonom troškova koji su finansirani sredstvima odobrenim ovom odlukom.

(2) Javna zdravstvena ustanova iz člana 1. ove odluke dužna je uz Izvještaj dostaviti Izjavu da troškovi koji su sadržani u Izvještaju nisu finansirani iz drugih izvora finansiranja.

(3) U slučaju nepostupanja po članu 3. stav (1) i (2) ove odluke ili nenamjenskog utroška

odobrenih sredstva, JU Institut za zdravlje i sigurnost hrane Zenica bit će dužna odobrena sredstva uplatiti u korist Budžeta Zeničko-dobojskog kantona.

**Član 5.**  
**(Stupanje na snagu)**

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

**PREMIJER**

***Mirnes Bašić***

Broj: 02-11-14272/22

Datum, 22.09.2022. godine

Z e n i c a

DOSTAVLJENO:

1x Ministarstvo zdravstva,

1x Ministarstvo finansija,

1x JU Institut za zdravlje i sigurnost hrane Zenica, putem Ministarstva,

1x „Službene novine Zeničko-dobojskog kantona“,

1x a/a.